

禮書卷第一



冕服

十二章之服

大裘而冕

衮冕

鷩冕

冕服

卷七十八

書曰天命有德五服五章哉又曰予欲觀古人之象日

月星辰山龍華蟲作會宗彝藻火粉米黼黻絺繡以五

色作服汝明孔氏曰日月星為三辰宗廟彝尊亦以山龍華蟲為飾火為火字粉若粟米米若聚

典命上公兩已相背命其衣服以九為節侯伯七命其衣服以七

為節子男五命其衣服以五為節王之三公八命其卿

命及其出封皆加一等其衣服亦如之

命其大夫再

皮帛眡小國之君其卿三命其大夫再

命其衣服各眡其命之數侯伯之卿大夫士

書名 禮書一百五十卷 宋刊元修

撰者 宋 陳祥道 撰
卷七十八
經 禮 三禮總義 宋
貴重 8
A259500

彩色頁1

東洋文化研究所漢籍目錄 編號: A259500

東洋文化研究所漢籍目錄所藏漢籍善本文影像資料庫 索書號: 貴重 8

漢籍善本文影像資料庫文本禮書一百五十卷 宋刊元修本

版權所有: 東京大學 東洋文化研究所
使用上的注意事項

東洋
所
圖
書

禮書卷第七十八

大夫所俎


士所俎

腸胃膚


脯

腊

大夫所俎



三胙俎




禮記曰胙之為言敬也郊特牲記胙俎心舌皆去本末
 午割之實于牲鼎載心立舌縮俎鄭氏曰立縮順其牲心之旨
 其載于胙俎末在上舌皆切本末亦午割勿沒其載
 于所橫之則士之所俎立舌而不立心大夫
 立心而不立舌士之縮俎則於俎

大夫之載橫之則於俎為橫於人為縮特牲尸乃盛
 乃盛胙俎下大夫八飯即盛胙俎則士之胙俎盛於
 飯後下大夫之胙俎盛於飯間矣士九飯少牢十一飯胙俎
 之禮其升心舌則佐食也其設之則昨階也其羞
 之則主人也其置之則腊北膚北也特牲主人羞胙俎腊北
 舉幹舉骼舉魚舉肩以至舉肺止脊佐食受之加于
 胙俎而俎釋三箇以備陽厭則神俎之體歸於胙俎
 多矣士喪禮無胙俎祭殤無胙俎無尸故也士虞禮
 不以胙俎而以簋尚質故也特牲尸謏佐食徹尸俎
 有司徹司士歸尸俎士虞出從者奉簋哭從之則與
 諸臣之自徹者有間與

少儀曰君子不食困腴鄭康成曰惟燂者有膚則牛
羊有腸胃而無膚豕有膚而無腸胃豕雖有膚然四
解而未體折無膚豚而未成牲無膚士喪禮豚皆無
膚以未成牲故也既夕禮大遣奠少牢四解無膚以
未體折故也士虞禮膚祭三取諸左盞上也鄭康
成曰膚脊革肉蓋豕肉之美者不過為韋肉而已故
禮於膚皆謂之倫膚東晉所謂禁饗豈此類歟公
食大夫魚腸胃倫膚若九若十有一下大夫若七若
九蓋士一命故其數七小國之卿次國之大夫再命故
其數九六國之卿三命故其數十一公食大夫膚與
牲皆七而少牢膚與牲體皆九隆於祭禮故也聘禮
腸胃與膚不同鼎公食大夫腸與膚不同俎腸胃常
在先膚常在後者以腸胃出於牛羊膚出於下牲故
也公食大夫腸胃禮記卷之二十一少牢折俎皆
及俎拒蓋腸胃之長及俎拒膚則無之而已

脯



周禮腊人掌乾肉凡脯腊臘胖之事內則牛脩鹿脯
田豕脯麋脯大夫燕食有膾無脯有脯無膾郊特牲
曰大饗尚脩脩少儀曰其以乘壺酒束脩一大賜人
若獻人則陳酒執脩以將命先儒謂薄析曰脯捶而
施薑桂曰脩然則脩猶濁氏之冒脯也食貨志注脩祈
而段之脩則其體長矣脯之於禮可以為輕可以為

重可以用之於前可以羞之於後膳夫凡王祭祀賓客則有俎凡稍食則脯醢而已冠禮三加有乾肉折俎始醢再醢則脯醢而已喪禮則大斂卒塗朔月既夕士虞有牲體魚腊之俎小斂則特豚脯醢而已以脯醢之於魚腊俎爲輕故也大饗有腥熟尚腥脩以禮賓冠禮有牲俎取脯以見母婚禮賓取脯以授從者燕禮賓執脯以賜鍾人又婚禮婦摯腥脯以見姑學者束脩以見師以脯之於禮爲重故也用之於前則冠禮始醢再醢之類是也羞之於後則遵人加籩之實栗脯是也蓋脯割之也謂之尹曲禮士虞所謂尹祭是也體之直也謂之胾士虞禮所謂脯四胾是也胾亦作挺鄉飲禮所謂薦脯五挺是也胾亦謂之臠鄉射禮薦腊用籩五臠祭半臠臠長尺二寸是也

鄉飲鄉射大夫禮也故五挺士虞士禮也故四挺春秋之時齊侯唁昭公于野井以四挺脯蓋野禮之禮歟

曲禮曰以脯醢置者左明右末儀禮俎設于脯醢秉明在南



腊

製 複 許 不

NOT TO BE REPRODUCED

東京大学東洋文化研究所

周官獸人于腊人腊人掌乾肉凡田獸之脯腊臠腊之事
蓋折而乾之曰脯全而乾之曰腊脯在邊腊在俎脯
常先於醢腊常亞於魚禮有薨腊有鮮腊有全腊有
胖腊或取以用或不用或取以祭或不祭或在庶羞
或不在庶羞或先舉魚或後舉腊或先舉腊後舉魚
聘禮賓之飪鼎九有魚腊鮮魚鮮腊上介飪鼎七無
鮮公食大夫上大夫之俎九有魚腊加鮮魚鮮腊下
大夫之俎七無鮮而婚禮腊必用鮮則用鮮者禮之
所隆也少牢鼎腊一純特牲士冠婚之類皆用全士
喪大飲士虞既夕胖而已則不用全者禮之所略也
婚禮厥明婦饋舅姑特豚無魚腊既夕禮徹巾苞不
以魚腊以非正牲故也公食大夫禮魚腊醬酒不祭
以預正饌故也

若入燕
羞故祭

公食大夫若不親食魚腊陳於

碑內有司徹升羊豕魚三鼎而腊以在庶羞故也
特牲後舉魚以三俎腊皆三舉故也少牢後舉腊以
腊魚皆舉故也夫腊之骨也如牲體卒塗之腊進抵
未異於生也少牢之腊進下異於生也其載之也上
有其舉之也以有
莊氏方謂腊於牲以禮腊脫解不升喪
正禮於有
禮腊解亦不升而少牢祝俎解獨于房有司徹腊辨
無解則腊之賤解亦與牲同矣檀弓曰大饗其王事
饗三牲魚腊四海九州之美味也則天子之腊尸氏
獸在焉儀禮大夫腊用麋鄭康成曰上腊用兔然特
牲腊用獸則苟有獸焉可也孰正必用兔耶

禮書卷第七十八終

禮書卷第七十九

魚

繡

染盛

魚

